

佛地經

佛童般涅槃略說教誡經

籍

貳百  
羊五

48763



元祿九年丙子二月日重脩

皇圖聖圖 帝漸銀呂

佛日增輝 懋輪常轉

山城州天安寺法金剛院置

光緒二十九年

二經同卷第五

羊

佛地經

佛垂般涅槃略說教誡經



佛地經

唐三藏法師 玄奘奉 制譯

如是我聞一時薄伽梵住最勝光曜七寶莊

嚴放大光明普照一切無邊世界無量方所

妙飾間烈周圓無際其量難測超過三界所

行之處勝出世間善根所起最極自在淨識

為相如來所都諸大菩薩眾所雲集無量天

龍人非人等常所翼從廣大法味喜樂所持

作諸眾生一切義利滅諸煩惱灾橫纏垢遠

離衆魔過諸莊嚴如來莊嚴之所依處大念  
慧行以爲遊路大止妙觀以爲所乘大空無  
相無願解脫爲所入門無量功德衆所莊嚴  
大寶華王衆所建立大宮殿中

是時薄伽梵最清淨覺不二現行趣無相法  
住於佛住逮得一切佛平等性到無障處不  
可轉法所行無礙其所成立不可思議於  
三世平等法性其身流布一切世界於一切  
法智無疑滯於一切行成就大覺於諸法智  
無有疑惑凡所現身不可分別一切菩薩正  
所求智得佛無二住勝彼岸不相間雜如來  
解脫妙智究竟證無中邊佛地平等極於法

界盡虛空性窮未來際與諸無量大聲聞衆  
俱一切調順皆是佛子心善解脫慧善解脫  
戒善解脫趣求法樂多聞聞持其聞積集善  
思所思善說所說善作所作捷慧速慧利慧  
出慧勝波擇慧大慧廣慧及無等慧慧寶成  
就具足三明逮得第一現法樂住大淨福田

威儀寂靜大忍柔和成就無減已善奉行如  
來聖教復有無量菩薩摩訶薩從諸佛土俱  
來集會皆任大乘法於諸衆生其心  
平等離諸分別及不分別種種分別摧諸魔  
怨遠離一切聲聞獨覺繫念分別廣大法味  
喜樂所持超五怖畏一向趣入不退轉位息

諸衆生一切苦惱所逼迫地而現在前妙生  
菩薩而爲上首

尔時世尊告妙生菩薩妙生當知有五種法  
攝大覺地何等爲五所謂清淨法界大圓鏡  
智平等性智妙觀察智成所作智

妙生當知清淨法界者譬如虛空雖遍諸色  
種種相中而不可說有種種相體一味如  
是如來清淨法界雖復遍至種種相類所知  
境界而不可說有種種相體一味又如虛  
空雖遍諸色不相捨離而不爲色過所染汙  
如是如來清淨法界雖遍一切衆生心性由  
真實故不相捨離而不爲彼過所染汙又如

虛空含容一切身語意業而此虛空無有起  
作如是如來清淨法界含容一切智所變化  
利衆生事清淨法界無有起作

又如空中種種色相現生現滅而此虛空無  
生無滅如是如來淨法界中諸智變化利衆  
生事現生現滅而淨法界無生無滅

又如空中種種色相現增現減而此虛空無  
增無減如是如來淨法界中顯示甘露聖教  
有增有減而淨法界無增無減

又如空中十方色相無邊無盡是虛空界無  
邊盡故而此虛空無去無來無動無轉如是  
如來淨法界中建立十方一切衆生利益安

樂種種作用無邊無盡清淨法界無邊盡故  
而淨法界無去無來無動無轉

又如空中三千世界現壞現成而虛空界無  
壞無成如是如來淨法界中現無量相成等  
正覺或復示現入大涅槃而淨法界非成等  
覺非入寂滅

又如依空種種色相壞爛燒燥變異可得而  
虛空界非彼所變亦無勞弊如是依止如來  
淨界衆生界內種種學處身語意業毀犯可  
得而淨法界非彼變異亦無勞弊

又如依空大地大山光明水火帝釋眷屬乃  
至日月種種可得而虛空界非彼諸相如是



依止如來淨界戒蘊定蘊慧蘊解脫解脫智  
見諸蘊可得而淨法界非彼諸相  
又如空中種種因緣展轉生起三千大千無  
量世界周輪可得而虛空界無所起作如是  
如來淨法界中具無量相諸佛衆會周輪可  
得而淨法界無所起作

復次妙生大圓鏡智者如依圓鏡衆像影現  
如是依止如來智鏡諸處境識衆像影現唯  
以圓鏡爲譬喻者當知圓鏡如來智鏡平等  
平等是故智鏡名圓鏡智

如大圓鏡有樂福人懸高勝處無所動搖諸  
有去來無量衆生於此觀察自身德失爲欲

存德捨諸失故如是如來懸圓鏡智處淨法  
界無間斷故無所動搖欲令無量無數衆生  
觀於染淨爲欲取淨捨諸染故

又如圓鏡極善磨瑩鑒淨無垢光明遍照如  
是如來大圓鏡智於佛智上一切煩惱所知  
障垢永出離故極善磨瑩爲依止定所攝持

故鑒淨無垢作諸衆生利樂事故光明遍照  
又如圓鏡依緣本質種種影像相貌生起如  
是如來大圓鏡智於一切時依諸緣故種種  
智影相貌生起

如圓鏡上非一衆多諸影像起而圓鏡上無  
諸影像而此圓鏡無動無作如是如來圓鏡

智上非一衆多諸智影起圓鏡智上無諸智影而此智鏡無動無作

又如圓鏡與衆影像非合非離不聚集故現彼緣故如是如來大圓鏡智與衆智影非合非離不聚集故不散失故

又如圓鏡周瑩其面於一切處為諸影像遍起依緣如是如來大圓鏡智不斷無量衆行善瑩為諸智影遍起依緣謂聲聞乘諸智影像獨一覺乘諸智影像無上大乘諸智影像為欲令諸聲聞乘人依聲聞乘而出離故獨一覺人依獨覺乘而出離故大乘之人依無上乘而出離故

如圓鏡中大影可得所謂大地大山大樹大  
宮舍影而是圓鏡不等彼量如是如來圓鏡  
智上從極喜地乃至佛地智影可得及與一  
切世出世法智影可得而圓鏡智非彼分量  
又如圓鏡非處障質影像起緣如是如來大  
圓鏡智非惡友攝聞不正法障礙衆生智影  
起緣非彼器故  
又如圓鏡非處闇質影像緣起如是如來大  
圓鏡智非處樂惡愚昧衆生智影起緣彼非  
器故  
又如圓鏡非處遠質影像起緣如是如來大  
圓鏡智非處不淨感匱法業不信衆生智影

起緣彼非器故

復次妙生平等性智者由十種相圓滿成就  
證得諸相增上喜愛平等法性圓滿成故證  
得一切領受緣起平等法性圓滿成故證得  
遠離異相非相平等法性圓滿成故弘濟大  
慈平等法性圓滿成故無待大悲平等法性  
圓滿成故隨諸衆生所樂示現平等法性圓  
滿成故一切衆生敬愛所說平等法性圓滿  
成故世間寂靜皆同一味平等法性圓滿成  
故世間諸法苦樂一味平等法性圓滿成故  
修植無量功德究竟平等法性圓滿成故  
復次妙生妙觀察智者譬如世界持衆生界

如是如來妙觀察智任持一切陀羅尼門三  
摩地門無礙辯說諸佛妙法

又如世界是諸衆生頓起一切種種無量相  
識因緣如是如來妙觀察智能為頓起一切  
所知無礙妙智種種無量相識因緣

又如世界種種可玩園林池等之所莊嚴甚  
可愛樂如是如來妙觀察智種種可玩波羅  
蜜多菩提分法十力無畏不共佛法之所莊  
嚴甚可愛樂

又如世界洲渚日月四天王天三十三天及  
夜摩天覩史多天樂變化天他化自在梵身  
天等妙飾間列如是如來妙觀察智世及出

世衰盛因果聲聞獨覺菩薩圓證無餘觀察  
妙飾間列

又如世界為諸衆生廣大受用如是如來妙  
觀察智示現一切諸佛衆會雨大法雨為令  
衆生受大法樂

如世界中五趣可得所謂地獄餓鬼畜生人

趣天趣如是如來觀察智上無邊因果五趣  
差別具足顯現

如世界中欲色無色諸界可得如是如來觀  
察智上無邊因果三界差別具足顯現

如世界中蘇迷盧等大寶山王顯現可得如  
是如來觀察智上諸佛菩薩威神所引廣大

甚深教法可得

如世界中廣大甚深不可傾動大海可得如  
是如來觀察智上一切天魔外道異論所不  
傾動甚深法界教法可得

又如世界大小輪山之所圍遶如是如來妙  
觀察智不愚一切自相共相之所圍遶

復次妙生成所作智者如諸衆生勤勵身業  
由是衆生趣求種種徇利務農勤工等事如  
是如來成所作智勤身化業由是如來示現  
種種工巧等處摧伏諸伎傲慢衆生以是善  
巧方便力故引諸衆生令入聖教成熟解脫  
又如衆生受用身業由是衆生受用種種色



等境界如是如來成所作智受身化業由是  
如來往諸衆生種種生處示同類生而居尊  
位由其示現同類生故攝伏一切異類衆生  
以是善巧方便力故引諸衆生令入聖教成  
熟解脫

又如衆生領受身業由是衆生領受所作善  
惡業果如是如來成所作智領身化業由是  
如來示現領受本事本生難修諸行以是善  
巧方便力故引諸衆生令入聖教成熟解脫  
又如衆生慶慰語業由是衆生展轉談論述  
相慶慰如是如來成所作智慶語化業由是  
如來宣暢種種隨所樂法文義巧妙小智衆

生初聞尚信以是善巧方便力故引諸衆生  
令入聖教成熟解脫

又如衆生方便語業由是衆生展轉指授務  
專所作毀惡讚善更相召命如是如來成所  
作智所起方便語變化業由是如來立正學  
處毀諸放逸讚不放逸又復建立隨信行人  
隨法行等以是善巧方便力故引諸衆生令  
入聖教成熟解脫

又如衆生辯揚語業由是衆生展轉開示所  
不了義宣諷諸論如是如來成所作智辯語  
化業由是如來斷諸衆生無量疑惑以是善  
巧方便力故引諸衆生令入聖教成熟解脫

又如衆生決擇意業由是衆生決擇可作及不可作如是如來成所作智決意化業由是如來決擇衆生八萬四千心行差別以是善巧方便力故引諸衆生令入聖教成熟解脫

又如衆生造作意業由是衆生造作種種諸所起業如是如來成所作智造意化業由是如來觀諸衆生所行之行行與不行若得若失爲令取捨造作對治以是善巧方便力故引諸衆生令入聖教成熟解脫

又如衆生發起意業由是衆生發起諸業如是如來成所作智發意化業由是如來爲欲宣說彼對治故顯彼所樂名句字身以是善

巧方便力故引諸衆生令入聖教成熟解脫  
又如衆生受領意業由是衆生受領苦樂如  
是如來成所作智受意化業由是如來於定  
不定反問置記爲記剎故隨其所應受領去  
來現在等義以是善巧方便力故引諸衆生  
令人聖教成熟解脫

尔時妙生菩薩摩訶薩白佛言世尊爲獨如  
來於淨法界受用和合一味事智而諸菩薩  
亦能如是佛告妙生菩薩亦能受用和合一  
味事智妙生菩薩復白佛言何等菩薩受用  
和合一味事智佛告妙生證得無生法忍菩  
薩由彼菩薩無生法中得忍解時對治二想

由遣自他二種想故得平等心從此已上彼諸  
菩薩自他異想不復現前受用和合一味事智  
妙生菩薩復白佛言唯願如來廣說譬喻令  
諸菩薩悟甚深義隨所化緣廣宣流布令諸  
衆生聞已疾悟無生法忍佛告妙生譬如三  
十三天未入雜林終不能於若事若受無我  
我所和合受用若入雜林即無分別隨意受  
用由此雜林有如是德能令諸天入此林者  
天諸果報若事若受無所思惟和合受用如  
是菩薩若未證得無生法忍終不能得平等  
之心平等之捨乃與一切聲聞獨覺無有差  
別有二相故彼不能住受用和合一味事智

若已證得無生法忍遣二想故得平等心遂  
與聲聞獨覺差別由平等心而能住捨受用  
和合一味事智

復次妙生譬如種種大小衆流未入大海各  
別所依異水少水水有增減隨其水業所作  
各異少分依持水族生命若入大海無別所  
依水無差別水無限量水無增減所作業一  
廣大依持水族生命如是菩薩若未證入如  
來清淨法界大海各別所依異智少智智有  
增減隨其智業所作各異少分衆生成熟善  
根之所依止若已證入如來清淨法界大海  
無別所依智無差別智無限量智無增減受

用和合一味事智無量衆生成熟善根之所  
依止亦時世尊而說頌曰

一切法真如

二障清淨相

法智彼所緣

自在無盡相

普遍真如智

修習證圓滿

安立衆生二

諸種無盡果

身語及心化

善巧方便業

定及揔持門

無邊二成就

自性法受用

變化差別轉

如是淨法界

諸佛之所說

時薄伽梵說是經已妙生菩薩摩訶薩等諸  
大聲聞世間天人阿素洛等一切大衆聞佛  
所說皆大歡喜信受奉行

佛地經





佛垂般涅槃略說教誡經

姚秦三藏法師

鳩摩羅什譯

釋迦牟尼佛初轉法輪度阿若憍陳如最後  
說法度須跋陀羅所應度者皆已度訖於娑  
羅雙樹間將入涅槃是時中夜寂然無聲為  
諸弟子略說法要汝等比丘於我滅後當尊  
重珍敬波羅提木叉如闇遇明貧人得寶當  
知此則是汝大師若我住世無異此也持淨  
戒者不得販賣貿易安置田宅畜養人民奴  
婢畜生一切種植及諸財寶皆當遠離如避

火坑不得斬伐草木墾土掘地合和湯藥占  
相吉凶仰觀星宿推步盈虛歷數筭計皆所  
不應節身時食清淨自活不得參預世事通  
致使命呪術仙藥結好貴人親厚嫉慢皆不  
應作當自端心正念求度不得包藏痲疵顯  
異惑衆於四洪養知量知足趣得供事不應  
畜積此則略說持戒之相戒是正順解脫之  
本故名波羅提木义依因此戒得生諸禪定  
及滅苦智慧是故比丘當持淨戒勿令毀缺  
若人能持淨戒是則能有善法若無淨戒諸  
善功德皆不得生是以當知戒為第一安隱  
功德之所住處

汝等比丘已能任戒當制五根勿令放逸入於五欲譬如牧牛之人執杖視之不令縱逸犯人苗稼若縱五根非唯五欲將無崖畔不可制也亦如惡馬不以轡制將當牽人墜於坑塹如被劫害苦止一世五根賊禍殃及累世爲害甚重不可不慎是故智者制而不隨持之如賊不令縱逸假令縱之皆亦不久見其磨滅此五根者心爲其主是故汝等當好制心心之可畏甚於毒蛇惡獸怨賊大火越逸未足喻也動轉輕躁但觀於蜜不見深坑譬如狂象無鉤猿猴得樹騰躍踔躑難可禁制當急挫之無令放逸縱此心者喪人善事

制之一處無事不辦是故比丘當勤精進折  
伏汝心

汝等比丘受諸飲食當如服藥於好於惡勿  
生增減趣得支身以除飢渴如蜂採華但取  
其味不損色香比丘亦受人供養趣自除  
惱無得多求壞其善心譬如智者籌量牛力  
所堪多少不令過分以竭其力汝等比丘晝  
則勤心修習善法無令失時初夜後夜亦勿  
有廢中夜誦經以自消息無以睡眠因緣令  
一生空過無所得也當念無常之火燒諸世  
間早求自度勿睡眠也諸煩惱賊常伺殺人  
甚於怨家安可睡眠不自警悟煩惱毒蛇睡

在汝心譬如黑蚊在汝室睡當以持戒之鈎  
早屏除之睡虵既出乃可安眠不出而眠是  
無慙人也慙恥之服於諸莊嚴最爲第一慙  
如鐵鈎能制人非法是故比丘常當慙恥勿  
得暫替若離慙恥則失諸功德有愧之人則  
有善法若無愧者與諸禽獸無相異也汝等  
比丘若有人來節節支解當自攝心無令瞋  
恨亦當護口勿出惡言若縱恚心則自妨道  
失功德利忍之爲德持戒苦行所不能及能  
行忍者乃可名爲有力大人若其不能歡喜  
忍受惡罵之毒如飲甘露者不名入道智慧  
人也所以者何瞋恚之害則破諸善法壞好

名聞今世後世人不喜見當知瞋心甚於猛  
火常當防護勿今得入劫功德賊無過瞋恚  
白衣受欲非行道入無法自制瞋猶可怒出  
家行道無欲之人而懷瞋恚甚不可也譬如  
清冷雲中而有霹靂起火非所應也  
汝等比丘當自摩頭以捨飾好著壞色衣執  
持應器以乞自活自見如是若起憍慢當疾  
滅之增長憍慢尚非世俗白衣所宜何況出  
家入道之人爲解脫故自降其心而行乞也  
汝等比丘諂曲之心與道相違是故宜應質  
直其心當知諂曲但爲欺誑入道之人則無  
是處是故汝等宜應端心以質直爲本

汝等比丘當知多欲之人多求利故苦惱亦  
多少欲之人無求無欲則無此患直尔少欲  
尚應修習何況少欲能生諸功德少欲之人  
則無諂曲以求人意亦復不爲諸根所牽行  
少欲者心則坦然無所憂畏觸事有餘常無  
不足有少欲者則有涅槃是名少欲

汝等比丘若欲脫諸苦惱當觀知足知足之  
法即是富樂安隱之處知足之人雖卧地上  
猶爲安樂不知足者雖處天堂亦不稱意不  
知足者雖富而貧知足之人雖貧而富不知  
足者常爲五欲所牽爲知足者之所憐愍是  
名知足

汝等比丘欲求寂靜無爲安樂當離憤內獨處閑居靜處之人帝釋諸天所共敬重是故當捨己衆他衆空閑獨處思滅苦本若樂衆者則受衆惱譬如大樹衆鳥集之則有枯折之患世間縛著沒於衆苦譬如老象溺泥不能自出是名遠離

汝等比丘若勤精進則事無難者是故汝等當勤精進譬如小水常流則能穿石若行者之心數數懈廢譬如鑽火未熱而息雖欲得火火難可得是名精進

汝等比丘求善知識求善護助無如不念念若  
有不忘念者諸煩惱賊則不能入是故汝等



常當攝念在心若失念者則失諸功德若念力堅強雖入五欲賊中不為所害譬如著鎧入陣則無所畏是名不忘记

汝等比丘若攝心者心則在定心在定故能知世間生滅法相是故汝等常當精勤修習諸定若得定者心則不散譬如惜水之家善治堤塘行者亦不為智慧水故善修禪定令不漏失是名為定

汝等比丘若有智慧則無貪著常自省察不令有失是則於我法中能得解脫若不尔者既非道人又非白衣無所名也實智慧者則是度老病死海堅牢船也亦是無明黑闇大

明燈也一切病者之良藥也伐煩惱樹之利  
斧也是故汝等當以聞思修慧而自增益若人  
有智慧之照雖是肉眼而是明見人也是爲智  
慧汝等比丘若種種戲論其心則亂雖復出  
家猶未得脫是故比丘當急捨離亂心戲論  
汝若欲得寂滅樂者唯當善滅戲論之患是  
名不戲論

汝等比丘於諸功德常當一心捨諸放逸如  
離怨賊大悲卍尊所說利益皆以究竟汝等  
但當勤而行之若於山間若空澤中若在樹  
下閑處靜室念所受法勿令忘失常當自勉  
精進修之無爲空死後致有悔我如良醫知

病說藥服與不服非醫咎也又如善道導人  
善道聞之不行非導過也汝等若於苦等四  
諦有所疑者可疾問之無得懷疑不求決也  
尔時世尊如是三唱人無問者所以者何衆  
無疑故時阿菟樓陁觀察衆心而白佛言世  
尊月可令熱日可令冷佛說四諦不可令異  
佛說苦諦實苦不可令樂集真是因更無異  
因若若滅者即是因滅因滅故果滅滅苦之  
道實是真道更無餘道世尊是諸比丘於四  
諦中決定無疑於此衆中若有所作未辦者  
見佛滅度當有悲感若有初入法者聞佛所  
說即皆得度譬如夜見電光即得見道若有

所作已辦已度苦海者但作是念世尊滅度  
一何疾哉阿菟樓陀雖說是語衆中皆悉了  
達四聖諦義世尊欲令此諸大衆皆得堅固  
以大悲心復爲衆說汝等比丘勿懷悲惱若  
我住世一劫會亦當滅會而不離終不可得  
自利利人法皆具足若我久住更無所益應  
可度者若天上人間皆悉已度其未度者皆  
亦已作得度因緣自今已後我諸弟子展轉  
行之則是如來法身常在而不滅也是故當  
知世皆無常會必有離勿懷憂惱世間如是  
當勤精進早求解脫以智慧明滅諸癡闇世  
實危脆無牢強者我今得滅如除惡病此是

應捨罪惡之物假名為身沒在老病生死大海何有智者得除滅之如殺怨賊而不歡喜汝等比丘常當一心勤求出道一切世間動不動法皆是敗壞不安之相汝等且止勿得復語時將欲過我欲滅度是我最後之所教誨

佛垂般涅槃略說教誡經

佛地經

二經同卷

羊

難測

下力

捷慧

上業

燒燥

下老

感匱

下位

可

玩

下貫反

洲渚

下與反

徇利

上詞反

傲慢

上告反

遮相

上音第也

佛垂般涅槃略說教誡經

貧易

正上莫侯反

作瑕 戶加反 真

上音 懇

上音 媵

上音 瘕

上音 疰

正上

作瑕

斯反 坎下

音 牧牛 自音

音 崖

音 畔

音 挫

又 轡

制

人 秘上

浪上 蘇反 伺

寺 音 蹕 蹕

下上 遲 亦

反 反 反 吾

音 佳 宜

上 卧 上 又

反 子 反 子

堤 墮

塘 音上

下 佞 音 啼 堂

危 脆 歲 反取

下 開 字

反 鑽 火

上 反

反 子

堤



